

傷寒論條辯

六五

武9
233
7



明
298
卷 7



傳美論條辨卷之五

歛人 方有執中行甫條辨

辨太陰病脈證并治第六 凡九條

陰經皆屬藏藏病不易治雖然治之得其道則反易愈由其不似陽經之數於變也三陰惟太陰之條自少者孤藏也然以太繫言之首尾只病三陽而病者極多蓋太陽主表先太陽而病者常也天人之自然也各經之自中鑿說也無此事理也且三陽當病之時得

治則愈又况一入陽明則不復轉所以病陰
證而病者絕少臨病切要仔細端詳不可苟
且忽略謠俗專以交合陰陽偶爾中傷執為
陰證下醫又快售乃膠迷而同醉遂致普通
大謬數音速○夫以病在三陽而謂之陽證
也而徇俗者乃膠固執迷而不醒道之不明有以
一太陰之為病腹滿而吐食不下自利益甚時腹
自痛苦下之必胃下結鞭

太陰脾經也其脈起於大指之端上循膝股內廉入腹屬脾絡胃上膈挾咽連舌本靈樞曰是

動則舌本強食則嘔胃脘痛腹脹身體皆重是
脾所生病者舌本痛體不能動搖食不下蓋脾
為胃之合自利益甚者脾苦濕病而不能為胃
以行其津液水穀不分也時腹自痛者靈樞曰
足太陰之別名曰公孫去本節之後一寸別走
陽明其別入絡腸胃實則腸中切痛是也胃下
結鞭者足太陰之脈其支者復從胃別
上膈注心中故誤下則邪反聚其別也

二 太陰中風四肢煩疼陽微陰澀而長者為欲愈

四肢四末也脾主四末素問曰風搖末疾是也
陽微陽經無邪也陰澀太陰統血血疑氣滯也
長陽氣勝也陽主發生故邪自退而病欲愈也

三 太陰病脈浮者可發汗宜桂枝湯

浮為在表太陰之脈尺寸俱沉細今見浮則邪
見還表可知然浮為風宜桂枝湯者以太陰之

中風言也○方見太陽上篇

④自利不渴者屬太陰以其藏有寒故也當溫之宜服四逆輩

自利不渴濕勝也太陰濕土故曰有寒四逆之輩皆能燥土以燥濕故曰溫之也

⑤傷寒脈浮而緩手足自溫者繫在太陰太陰當發身黃若小便自利者不能發黃至七八日雖暴煩下利日十餘行必自止以脾家實穢腐當去故也

此條二節自不能發黃已上與陽明篇第四十一條上節同下節相反蓋同感異變而各成一

家之證也然彼以至七八日反大便秘為轉明此以至七八日暴下利穢腐當去為脾家實何也蓋脾主為胃以行其津液暴下利則脾得以為胃行其津液矣所以脾為實而證為猶繫太陰也彼大便秘者由脾不能為胃行其津液而反為約所以為轉陽明也然則一脾胃也而反覆之變不同有如此者醫之為道豈可以易易言哉

⑥本太陽病醫反下之因而腹滿時痛者屬太陰也桂枝加芍藥湯主之

桂枝加芍藥湯方

於桂枝湯方內更加芍藥二兩隨前共六兩餘依桂枝湯法

腹滿時痛者脾受誤傷而失其職司故曰屬太陰也以太陰之本太陽病而反下也故仍用桂枝以解之以太陰之被傷而致痛也故倍芍藥以和之

七 太實痛者桂枝加大黃湯主之

桂枝加大黃湯方

桂枝 三兩 去皮

大黃 一兩

芍藥 六兩

甘艸 二兩 炙

生薑 三兩 切

大棗 十二枚 擘

右六味以水七升煮取三升去滓溫服一升日三服

此承上條而又以胃家本來實者言本來實者舊有宿食也所以實易作而痛速故不曰陽明

而曰大實例之變也桂枝加大黃者因變以制宜也然曰桂枝加則補方者當一例如上文云云不當載成方且以本方加也而用芍藥六兩水七升不合數皆後人之苟用者當斟酌焉

八 太陰為病脈弱其人續自便利設當行大黃芍藥者宜減之以其人胃氣弱易動故也

此承上條申致戒謹之意

九 太陰病欲解時從亥至丑上

亥子丑太陰所主之三時也欲解者正王則邪不能勝也

辨少陰病脈證并治第七 凡四十六條

三陰先太陰者太陰正位中宮統倉稟也少陰居下而先於厥陰者陰道逆自下而上也

①少陰之為病脈微細但欲寐也

少去聲下皆同。○少陰腎經也脈微細者少陰居於極下其脈起於小趾之下也靈樞曰是主所生病者嗜臥但欲寐嗜臥也蓋人肖天地天地之氣行於陽則開而曉行於陰則闔而夜故人之氣行於陽則動而寤行於陰則靜而寐然則病人但欲寐者邪客於陰故也

②少陰病始得之反發熱脈沉者麻黃附子細辛湯主之

麻黃附子細辛湯方

麻黃 二兩

細辛 二兩

附子

一枚炮去皮破八片

右三味以水一斗先煮麻黃減二升去上沫內藥

煮取三升去滓溫服一升日三服

發熱邪在表也脈沉少陰位北而居裏也以其居裏邪在表而發熱故曰反也以邪在表不在裏故用麻黃以發之以其本陰而標寒故用附子以溫之細辛辛溫通於少陰用之以佐主治者以其專經而向導也

③少陰病得之一二日口中和其背惡寒者當灸之附子湯主之

附子湯方

附子

二枚去皮破八片

茯苓

三兩

人參

二兩

白朮

四兩

芍藥

三兩

右五味以水八升，煮取三升，去滓，溫服一升，日三服。

口中和，謂不燥不渴，裏無熱也。少陰之脈貫脊，脊背骨也。背字从北，从肉，北，天地之陰方也。北，肉為背，人身借陰之處也。陽脈在背根，陰之義也。經傳謂背為陽者，其猶謂桂枝發汗，與夫曆家謂月行速之意，歟。腎居北方，其行屬水，注於天，二故曰少陰。然則陰寒，溱於少陰，宜乎背惡寒，而他處不惡也。灸之以火者，火能助陽，而陰自消也。主之以附子者，附子溫經而寒自散也。人參甘溫補其氣，以扶陽於生芍藥酸平收其陰，而為陽之附。茯苓淡淡以利竅，逐水以消陰。其以入心煩火以從陽，木味苦甘苦以燥濕制水，而煨土甘以益脾和中，而固本也。

渴者屬少陰也。虛故引水自救。若小便色白者，少陰病形悉具。小便白者，以下焦虛有寒，不能制水，故令色白也。

欲吐不吐，心煩者，少陰之脈循喉嚨，其支者從肺出絡心，注胃中，故也。自利者，腎氣實，水無制也。虛故引水自救。釋上文之渴也。白，寒色也。病形悉具，以其本病之口燥舌乾言也。小便白者，至本反覆申明上文所以曉人勿認煩渴為熱，以致誤之意。

五、病人脈陰陽俱緊，反汗出者，亡陽也。此屬少陰法當咽痛而復吐利。

陰陽俱緊，傷寒也。傷寒不當有汗，故謂汗為反出。亡與無同。古字通用。無陽者，汗乃血之液，陰

主血寒為陰而傷血陰邪湊於少陰陰盛矣故謂無陽以為之衛護而汗所以反得自出也咽痛者少陰之脈循喉嚨也其藏屬水所以不惟咽痛而復吐利水無制也

六 少陰病脈細沉數病為在裏不可發汗

細沉而數裏熱也故曰病為在裏不可發汗惡虛其表也

七 少陰病脈微不可發汗亡陽故也陽已虛尺脈

弱澀者復不可下之

微者氣不充故曰無陽無陽則化不行故汗不可發也尺以候陰弱澀者陰血不足也故謂復不可下蓋少陰藏寒其官作強有出無入有虛無實有補無瀉所以汗下皆不可行而反覆丁寧以示禁止如此

八 少陰病欬而下利譫語者被火氣劫故也小便必難以強責少陰汗也

少陰之脈從足走腹循喉嚨其支別出肺自下而上者也受火之劫火性炎上循經而蒸爍於肺肺傷則氣逆所以欬也下利者少陰屬水其藏虛寒劫迫則滑脫也滑脫而虛故生熱亂而譫語也強責謂過求也小便與汗皆血液也少陰少血劫汗奪血則小便為之涸竭故難也

九 少陰病下利若利自止惡寒而踈臥手足溫者可治

下利陰寒盛也自止寒邪退也惡寒而踈臥其藏本虛寒也手足屬脾溫者脾土和也土和則萬物生故曰可治也

⑩少陰病惡寒而踈時自煩欲去衣被者可治
惡寒而踈承上條而言也時或自煩欲去衣被陽熱復也猶之手足溫故亦曰可治也

⑪少陰病脈緊至七八日自下利脈暴微手足反溫脈緊反去者為欲解也雖煩下利必自愈
緊寒邪也自下利脈暴微者陰寒內泄也故謂手足為反溫言陽回也陽回則陰退故謂緊反去為欲解也夫寒邪在陰而脈緊得自利脈暴微手足溫緊去為欲解者猶之邪在陽脈數而熱得汗出脈和身涼數去為欲愈之意同陰陽勝復之理也

⑫少陰中風陽微陰浮者為欲愈
陰陽詳見二難三難陽微者風邪散而表氣和也陰浮者裏氣勝而邪外出也

⑬少陰病欲解時從子至寅上
子丑寅陽生之時也各經皆解於其所王之時而少陰獨如此而解者陽進則陰退陽長則陰消且天一生水於子子者少陰生主之地故少陰之欲解必於此時歟

⑭少陰病八九日一身手足盡熱者以熱在膀胱必便血也
膀胱屬太陽太陽者六經之長也為諸陽主氣與少陰腎為合陰從陽化裏熱達表故一身手足盡熱也熱在膀胱太陽多血腎司開闔陰主下降故熱亂則血出於二便也

⑮少陰病但厥無汗而強發之必動其血未知從何道出或從口鼻或從目出是名下厥上竭為難

治

必動其血者汗為血之液不得汗則得血也或從口鼻或從目出者迫則錯經而妄逆也下厥以少陰居下而熱深言也上竭以妄逆言也

⑥少陰病吐利手足不逆冷反發熱者不死脈不至者灸少陰七壯

陰寒吐利法當厥逆者以無陽也手足不逆冷則陽自若而脾胃和故以熱為反發者婉詞也然陽自若則陰為有制脾胃和則五臟六府皆得以受其氣而生也灸之者以其有可生之道所以通其經以遂其生也

⑦少陰病惡寒身踈而利手足逆冷者不治

陰盛無陽故曰不治

⑧少陰病吐利燥煩四逆者死

陰寒吐利而至於燥煩津液內亡而成枯竭也加之四肢厥逆脾土敗絕也

⑨少陰病下利止而頭眩時時自胃者死

頭眩俗謂昏暈是也諸陽在頭然則下利止而頭眩者津液內亡而陰已虛竭陽無依附浮越於外而神氣散亂故時時自胃也

⑩少陰病四逆惡寒而身踈脈不至不煩而躁者死

四肢溫和為順故以厥冷為逆不順也踈不伸也陰主屈故也諸證具見而脈又不至則陽已

先絕可知矣不少頃而躁孤陰亦欲自盡也

⑤少陰病六七日息高者死

息呼吸氣也歎聲曰息言歎息之聲高而散漫無接續生息之意蓋陽氣欲絕故其聲息如此

⑥少陰病脈微沉細但欲臥汗出不煩自欲吐至

五六日自利復煩躁不得臥寐者死

脈微沉細但欲臥少陰之本病也汗出而不作煩熱無陽也欲吐經中之邪不退也自利藏病者陽欲絕而擾亂不寧也

⑦少陰病得之一二三日麻黃附子甘州湯微發汗以一二三日無裏證故微發汗也

麻黃附子甘州湯方

麻黃 二兩

甘州 二兩

附子 一枚炮

去皮

右三味以水七升先煮麻黃一兩沸去上沫內諸

藥煮取三升去滓溫服一升日三服

無裏證謂不吐利燥煩嘔渴也以無裏證而表又不見故用附子以佐麻黃雖曰微發汗而用甘草以易細辛蓋亦和解之意也

⑧少陰病得之一二三日以上心中煩不得臥黃連

阿膠湯主之

黃連 四兩

黃芩 一兩

芍藥 二兩

雞子黃 二枚

阿膠 三兩

右五味以水五升先煮三物取一升去滓內膠烱盡小冷內雞子黃攪令相得溫服七合日三服

少陰本欲寐反心中煩不得臥者風邪客於裏熱甚而裏不和也黃連黃芩清腸以除風擁之裏熱雞子黃阿膠和血以益不足之真陰然阿膠者黑驢皮之膏液也故能逐陰經之邪風雞黃者與木禽之誕卵也故能定邪風於少陰芍藥下氣以和陰所以為少陰風熱之佐使也

⑤少陰病身體痛手足寒骨節痛脈沉者附子湯

主之

少陰腎也腎主骨寒淫則痛然則身體痛手足寒骨節痛者傷寒也沉為在裏是故附子湯者

溫裏以散寒之要藥也

⑥少陰病二三日至四五日腹痛小便利下利不止便膿血者桃花湯主之

桃花湯方

赤石脂

一斤一半全用一半篩末 乾薑 一兩

粳米 一升

右三味以水七升煮米令熟去滓溫服七合內赤石脂末方寸匕日三服若一服愈餘勿服

腹痛寒傷胃也小便利下利不止者胃傷而土不能制水也便膿血者下焦滑脫也石脂之澀固腸虛之滑脫乾薑之辛散胃虛之裏寒粳米甘平和中而益胃故三物者所以為少陰下

利便膿血
之主治也

⑦少陰病下痢便膿血者桃花湯主之

古利無不_止後人所加○此比_上十條差輕以便膿血同故治亦同

⑧少陰病下痢便膿血者可刺

此承_上二條而申著其輔治之意刺所以通其壅滯也壅滯通便膿血自愈可者僅可_之詞

⑨少陰病吐利手足厥冷煩躁欲死者吳茱萸湯

主之

吐則耗陽利則損陰厥冷者陰損而逆也煩躁陽耗而亂也茱萸辛溫散寒暖胃而止嘔入參甘溫益陽固本而補中大藥助胃益脾生薑嘔家聖藥故四物者為少陰扶危之所須也○方

見陽明篇

⑩少陰病下痢咽痛胃滿心煩者猪膚湯主之

猪膚一斤

右一味以水一斗煮取五升去滓加白蜜一升白粉五合熬香和相得溫分六服

下利寒甚而水無制也咽痛胃滿心煩藏病與經病具見也猪膚本草不載義不可考說者不一用者不同然既曰膚則當以煨猪時所起皮外毛根之薄膚為是但猪屬亥宜入少陰膚乃外薄宜能解外其性則涼固能退熱邪散而熱退煩滿可除也白蜜潤燥以利咽咽利而不燥痛可愈也白粉益土以勝水土主水制利可止也猪膚湯義意者其在於茲乎

⑤少陰病二三日咽痛者可與甘州湯不差者與桔梗湯

甘州湯方

甘州 二兩

右一味以水二升煮取一升半去滓溫服七合日二服

桔梗湯方

桔梗 一兩

甘州 二兩

右一味以水二升煮取一升半去滓分溫再服

咽痛邪熱客於少陰之咽喉也甘州甘平而和陰陽故能主除寒熱桔梗苦甘而任舟楫故能主治咽傷所以微則與甘州甚則加桔梗也

③少陰病咽中痛半夏散及湯主之

半夏散及湯方

半夏 洗

桂枝 去皮

甘州 炙以上各等分

已上三味各別搗篩已合治之白飲和服方寸匕凡三服若不能散服者以水一升煮七沸內散一兩方寸匕更煎二沸下火令小冷少少噉之

咽痛與上同而治不同者此以風邪熱甚痰上壅而喉痛者言也是故主之以桂枝祛風也佐

傷寒倫辨 卷五
之以半夏消痰也。和之以甘州除熱也。二物者是又為咽痛之一治也。

③少陰病咽中傷生瘡不能語言聲不出者苦酒湯主之

苦酒湯方

半夏 洗破如棗核 大十四枚

雞子 一枚去黃內上苦酒著雞子殼中

右二味內半夏著苦酒中以雞子殼置刀鏤中安火上令三沸去滓少少噉下不差更作三劑服之

咽傷而生瘡則比痛為差重可知也不能語言者少陰之脈復入肺絡心通竅於舌心熱則舌不掉也聲不出者肺主聲而屬金金清則鳴熱則昏而塞也半夏主咽而開痰結苦酒消腫

而缺咽瘡雞子甘寒而除伏熱已上三條證同而治殊蓋各適其因之宜然爾

④少陰病下利白通湯主之

白通湯方

蔥白 四莖

乾薑 一兩

附子 一枚生去皮破八片

右三味以水三升煮取一升去滓分溫再服

少陰病而加下利者不獨在經而亦在藏寒甚而陰勝也治之以乾薑附子者勝其陰則寒自散也用蔥白而曰白通者通其陽則陰自消也

⑤少陰病下利脈微者與白通湯利不止厥逆無

脈乾嘔煩者白通加猪膽汁湯主之服湯脈暴出

者死微續者生

白通加猪膽汁湯方

蔥白 四莖

乾薑 一兩

附子

一枚生去皮破八片

人尿 五合

猪膽汁 一合

已上三味以水三升煮取一升去滓內膽汁人尿和令相得分温再服若無膽汁亦可用

尿與溺同奴申切此承上條復以其甚者言脈微陽虛也厥逆無脈乾嘔煩者熱藥治寒寒甚者格拒而不入湯不為用及爭而逆亂也人尿性寒膽汁微寒以之為向導者經曰逆者從之此之謂也暴出燭欲燼而焱烈也微續真陽周而漸復也然屬加減耳成方疑後人所增

⑤少陰病二三日不已至四五日腹痛小使不利四肢沉重疼痛自下利者此為有水氣其人或欬或小便利或下利或嘔者真武湯主之

真武湯方

茯苓 三兩

芍藥 三兩

生薑 三兩

白朮 二兩

附子

一枚炮去皮破八片

右五味以水八升煮取三升去滓温服七合日三服

腹痛小使不利陰寒內甚濕勝而水不行也四肢沉重疼痛寒濕內滲又復外薄也自下利者

濕既甚而水不行則與穀不分清故曰此為有水氣也或為諸證大約水性之溢無所不之故也真武者北方陰精之宿職專司水之神以之名湯義取主水然陰寒甚而水泛溢由陽困弱而土下不能制伏也是故木與茯苓燥土勝濕芍藥附子利氣助陽生薑健脾以煨土則水有制而陰寒退藥與病宜理至必愈

後加減法

或為諸證之治

若欬者加五味子半升細辛乾薑各一兩

水寒相搏則欬

細辛乾薑之辛散水寒也既散矣肺主欬而欲收五味子者酸以收之也

若小便利

者去茯苓

茯苓淡滲而利竅小便既利不須滲也

若下利者去芍

藥加乾薑二兩

芍藥收陰而停液非下利者所宜故去之乾薑散寒而煨土

煨則水有制故加之

若嘔者去附子加生薑足成半斤

氣

逆也去附子以其固氣也如生薑以其散氣也

⑤少陰病下利清穀裏寒外熱手足厥逆脈微欲

絕身反不惡寒其人面赤色或腹痛或乾嘔或咽痛或利止脈不出者通脈四逆湯主之

通脈四逆湯方

甘草二兩

乾薑二兩強人

附子

大者一枚生去皮破八片

右三味以水三升煮取一升二合去滓分溫再服

其脈即出者愈

下利清穀手足厥冷脈微欲絕而裏寒者陰甚於內也身反不惡寒面色赤而外熱者格陽於外也陰陽不相通所以逆亂而有或為諸多證利雖止邪欲罷也脈仍不出陽氣未復也夫脈者血氣之道路血陰也非陽不行薑附辛熱助陽也甘草甘平益氣也湯本四逆而分兩殊通脈則加

後加減法同前

面色赤者加蔥九莖

面色赤陽格甚也加蔥通陽氣也

腹中痛者

去蔥加芍藥二兩

腹中痛真陰不足也去蔥惡其順陽也加芍藥收陰也

嘔者加生薑二兩

見前

咽痛者去芍藥加桔梗一兩

咽痛氣結也去芍藥聚氣也加桔梗利咽也

利止脈不出者去桔

梗加人參二兩

利止脈不出見上去桔梗者嫌其陽而和其陰也其載而少暢通也加人參者生

少陰負趺陽者為順也

此承上文自利而言以示人通診吉凶利害之大意蓋謂少陰屬水其自利者以陰寒甚土弱而水無制也跌陽主胃而屬土負謂跌陽有脈土尚強土強則水有制而少陰反為輸負矣順言不以受制為拘也蓋水惟其有制則率遵道不得終於泛濫而成大害且萬物資生於土而百骸籍養於胃水土平成物類又安非天下之至順乎古今謂跌陽有脈者不死有以哉

少陰病四逆其人或欬或悸或小便利或腹中痛或泄利下重者四逆散主之

四逆散方

甘草 炙

枳實 破水漬 炙乾

柴胡

芍藥

右四味各十分搗篩白飲和服方寸匕日三服

分去聲下同○人之四肢溫和為順故以不溫
和為逆但不溫而未至於厥冷則熱猶為未
入深也故用柴胡解之也枳實泄之也然熱邪
也邪欲解本陰也陰欲收芍藥收之也甘草和
之也分今之二錢五分也

後加減法

前同

欬者加五味子乾薑各五分并主下痢 欬見前并主下

利亦散水寒悸者加桂枝五分 心主悸桂枝通心氣也 小

便利者加茯苓五分 前見 腹中痛者加附子一

枚炮令拆 腹中痛寒甚也 泄利下重者先以水

五升煮薤白三升煮取三升去滓以散三方寸

匕內湯中煮取一升半分溫再服 下重氣滯也薤白疏泄也

④ 少陰病下利六七日欬而嘔渴心煩不得眠者

猪苓湯主之

下利固乃陰寒甚而水無制六七日欬而嘔渴
心煩不得眠者水寒相搏蓄積不行內悶而不
寧也猪苓湯者滲利以分清其水穀之二道也
二道清則利無有不止者利止則嘔渴心煩不

待治而自愈矣

○方見陽明篇

④少陰病得之一二三日口燥咽乾者急下之宜大承氣湯

口燥咽乾者少陰之脈循喉嚨挾舌本邪熱客於經而腎水為之枯竭也然水乾則土燥土燥則水愈乾所以急於下也○方見陽明篇下同

⑤少陰病自利清水色純青心下必痛口乾燥者急下之宜大承氣湯

水腎邪青肝色腎邪傳肝也心下必痛者少陰之脈其支別者從肺出絡心注胸中上口乾燥見上故治同

⑥少陰病六七日腹脹不大便者急下之宜大承氣湯

腹脹不大便胃實可知急下者少陰屬水惡土實也

⑦少陰病脈沈者急溫之宜四逆湯

脈沈寒邪深入於裏也溫之不密以不急也○方見太陽中篇下同

⑧少陰病飲食入口則吐心中溫溫欲吐復不能吐始得之手足寒脈弦遲者此胸中實不可下也當吐之若膈上有寒飲乾嘔者不可吐也急溫之宜四逆湯

飲食入_口則吐_少陰主_喉喉_嚨而寒邪客_心也少陰之脈絡_心注_胸中實謂_痰壅而上_塞也寒以虛言_溫有_神意

少陰病下利脈微澀嘔而汗出必數更衣反少者當溫其上灸之

數音朔更平聲反少之少上聲○微陽虛也澀血少也汗出陽虛不能外固陰弱不能內守也更衣見陽明篇反少者陽虛則氣下墜血少所以勤勞責而多空坐也上謂頂百會是也灸升舉其陽以調養夫陰也

辨厥陰病脈證并治第八 凡五十四條 方六

厥陰之為病消渴氣上撞心中疼熱飢而不

欲食食則吐蚘下之利不止

撞陟降切蚘音回○厥陰肝經也其脈起於大指聚毛之上循股入陰中環陰器抵小腹消渴者飲水多而小便少也蓋厥陰屬木邪由少陰傳來少陰屬水木為水之子能令母虛厥陰之邪熱甚則腎水為之消腎消則引水以自救故消而且渴渴不為水止也氣上撞心中疼熱者心屬火木火通氣肝氣通於心也飢不能食者胃司食而屬土木邪甚土受制也吐蚘者蚘在胃中無食則靜聞食臭則出也下之利不止者邪屬厥陰下則反虛陽明陽明屬土土虛則木益賊其所勝也

厥陰中風脈微浮為欲愈不浮為未愈

風脈當浮以厥陰本微緩不浮故微浮則邪見還表而為欲愈可證不浮反不然

三厥陰病欲解時從丑至卯上

厥陰屬木王於丑寅卯之三時正氣得其王時邪退而病解在六經皆然夫以六經各解於三時而三陽解自寅至亥三陰解自亥至卯厥陰之解至寅卯而終少陽之解自寅卯而始何也曰寅為陽初動陰尚強卯為天地開陰陽分所以二經同王其病之解由此而終始也然則三陽之王時九各不相襲三陰之王時五太陰與少陰同子丑少陰與厥陰同丑寅何也曰陽行健其道長故不相及陰行鈍其道促故皆相躡也

四厥陰病渴欲飲水者少與之愈

厥陰屬木木不生於水水求生也少少與潤之也愈木得潤則生也

五諸四逆厥者不可下之虛家亦然

四逆見少陰篇厥見下益厥為四逆之極陰陽既不相順接下則必至於脫絕故禁勿用也

六傷寒脈遲六七日而反與黃芩湯徹其熱脈遲為寒今與黃芩湯復除其熱腹中應冷當不能食今反能食此名除中必死

反音板應平聲○反猶左也言不順於道也黃芩湯寒藥也徹亦除也應亦當也反能食者胃欲絕引食以自救也中以胃言死謂萬物無土不生也

七傷寒始發熱六日厥反九日而利凡厥利者當不能食今反能食者恐為除中食以索餅不發熱者知胃氣尚在必愈恐暴熱來出而復去也後三

日脈之其熱續在者期之且日夜半愈所以然者
本發熱六日厥反九日復發熱三日并前六日亦
為九日與厥相應故期之且日夜半愈後三日脈
之而脈數其熱不罷者此為熱氣有餘必發癰膿
也

食以之食與飼同素當作素數音朔○食以飼
乏也素常也謂以素常所食之餅餌飼之以願
其情也一說無肉曰素謂不令犯食禁也不發
熱言所食之餅化消而無患故曰知胃氣尚在
也暴熱謂厥而猛然得熱見陽回之意也故曰
其熱續在期之且日夜半愈也且日明日平日
朝而陽長之時也夜半陰盡陽生之時也所以
然者已下至夜半愈乃反覆申明上文之意數

以候熱癰膿者厥陰主血血熱持
久則壅於壅於則腐化故可必也

八傷寒先厥後發熱而利者必自止見厥復利

先厥起於陰也後發熱
陽勝也見厥謂復厥也

九傷寒先厥後發熱下利必自止而反汗出咽中
痛者其喉為痺發熱無汗而利必自止若不止必
便膿血便膿血者其喉不痺

此承上條而言汗出咽中痛陽勝而熱上行也
濕則痺咽中痛而曰痺者痰亦濕也厥以得熱
為陽回故發熱雖無汗而利
亦必自止便膿血亦協熱也

十傷寒一二日至四五日而厥者必發熱前熱者

後必厥厥深者熱亦深厥微者熱亦微厥應下之而反發汗者必口傷爛赤

應平聲○厥者必發熱寒極而熱復也前熱者後必厥陽極而內陷也厥深熱亦深厥微熱亦微以大槩言也厥應下之謂邪在裏也口傷爛赤厥陰之脈上與督脈會於巔其支者從目系下頰裏環唇內所以誤汗也則熱散亂而唇口傷也

①傷寒病厥五日熱亦五日設六日當復厥不厥者自愈厥終不過五日以熱五日故知自愈

厥五日熱亦五日陰陽勝復無偏也當復厥不厥陽氣勝也陽主生故自愈可知也

②凡厥者陰陽氣不相順接便為厥厥者手足逆

冷是也

此揭厥而明其義以申其狀案脈經流注手之三陰從腹走至手手之三陽從手走至頭足之三陽從頭下走至足足之三陰從足上走入腹然則手之三陰與手之三陽相接於手足足之三陰與足之三陽相接於手足陰主寒陽主熱故陽氣內陷不與陰氣相接則手足厥冷也然手足為四肢主之者脾也脾為陰陽不與陰相順接而手足逆冷又可知也

③傷寒脈微而厥至七八日膚冷其人躁無暫安時者此為藏厥非為虵厥也虵厥者其人當吐虵今病者靜而復時煩此為藏寒虵上入膈故煩須臾復止又煩者虵聞食臭出其人當自吐虵虵厥

者烏梅圓王之又主久痢方

烏梅圓方

烏梅 三百箇

細辛 六兩

乾薑 十兩

黃連 一斤

當歸 四兩

附子 六枚

蜀椒 四兩

桂枝 六兩

人參 六兩

黃蘗 六兩

右十味異搗篩合治之以苦酒漬烏梅一宿去核蒸之五升米下飯熟搗成泥和藥令相得內臼中與蜜杵二千下圓如梧桐子大先食飲服十圓日

三稍加至二十圓禁生冷滑物臭食等

脈微而厥統言之也膚冷言不獨手足以見陽氣內陷與上文互意也躁無暫安時言熱深且極也藏厥言非在經皆互詞也寒言尚未變熱也桂枝薑附細辛蜀椒勝寒而退陰也人參固氣當歸和血除煩而止嘔也烏梅之酸連藥之苦安蛇使之靜也蓋蛇之為物類有情識聞酸則伏得苦則安利本濕熱所以滯下得苦則泄惟酸能收故雖日治蛇而不利膿血可通主也

傷寒熱少厥微指頭寒默默不欲食煩躁數日

小便利色白者此熱除也欲得食其為愈若厥而

嘔胸脇煩滿者其後必便血

熱少厥微邪淺也所以手足不冷而但指頭寒默默謂無言也不欲食厥陰之脈俠胃也煩躁

則內熱故以小便利色白為熱除也欲食邪退而胃回也厥而嘔胸脇煩滿者厥陰脈挾胃貫膈布脇肋也便血肝不納也

⑤傷寒發熱四日厥反三日復熱四日厥少熱多

其病當愈四日至七日熱不除者其後必便膿血

邪在表則熱入裏則厥厥少則邪散熱多則正復故病為當愈也熱不除至未與上條未三句互相發明

⑥傷寒厥四日熱反三日復厥五日其病為進寒

多熱少陽氣退故為進也

此反上條而言進謂加重也

⑦傷寒六七日脈微手足厥冷煩躁灸厥陰厥不

還者死

灸所以通陽也陽不向故於法主死也

⑧傷寒發熱下利厥逆躁不得臥者死

腎主躁不得臥藏氣絕也

⑨傷寒發熱下利至甚厥不止者死

此與上條大意同

⑩發熱而厥七日下午利者為難治

厥七日而下利陽不復而裏虛也

③傷寒六七日不利便發熱而利其人汗出不止者，必有陰無陽故也。

發熱而利，裏虛邪入也。故曰有陰汗出，不止，表陽外絕也。故曰無陽。

④病者手足厥冷，言我不結胸，小腹滿，按之痛者，此冷結在膀胱關元也。

關元在臍下三寸，為小腸募，故小腹滿，按之痛，不上結於胸，陽虛也。下結於膀胱關元者，陰寒勝故曰冷結也。

⑤傷寒五六日不結胸，腹濡脈虛，復厥者，不可下，此為亡血下之也。

濡音軟，亡與無通。○腹濡邪在經，而裏陰虛也。脈者血之府，故知無血也。血亦陰下之，亡者重亡其陰也。

⑥傷寒脈促，手足厥逆者，可灸之。

促謂短促，陽氣內陷而脈不至，故厥逆也。灸通陽也。

⑦傷寒脈滑而厥者，裏有熱也，白虎湯主之。

滑以候熱，然而厥者，熱本寒，因故曰裏有熱也。與太陽下篇第十二條文相反，而意則同，互相發明者也。故治同，而方見彼。

⑧手足厥寒，脈細欲絕者，當歸四逆湯主之。

當歸 二兩

桂枝 二兩
去皮

芍藥 二兩

細辛 二兩

通草 二兩

甘草 二兩
炙

大棗 二十五枚
擘

右七味以水八升煮取三升去滓溫服一升日三服

寒與逆同本陽氣內陷也細則為虛陰血不足也當歸芍藥養血而收陰通草細辛行脈而通閉桂枝辛甘助陽而固表甘草大棗健脾以和胃夫心主血當歸補其心而芍藥以收之肝納血甘草緩其肝而細辛以潤之脾統血大棗益其脾而甘草以和之然血隨氣行桂枝衛陽氣固則血和也

若其人內有久寒者宜當歸四逆加吳茱萸生薑湯主之

當歸四逆加茱萸生薑湯方

於前湯方內加吳茱萸半升生薑二兩

右九味以水六升清酒六升和煮取五升去滓分

溫五服 一本水酒各四升

久寒謂宿昔素常藏府有沈寒也吳茱萸溫藏以散寒也生薑者佐棗以和陰陽

⑦ 大汗出熱不去內拘急四肢疼又下利厥逆而惡寒者四逆湯主之

大汗出陽虛而表不固也熱不去言邪不除也
內拘急四肢疼者以津液而骨屬不利也下利
厥逆而惡寒者以陽而陰寒內甚也四逆湯溫
經以散寒回陽而斂液者也○方見太陽下篇

此與上同而較輕故治同

⑤傷寒厥而心下悸者宜先治水當服茯苓甘草

湯却治其厥不爾水漬入胃必作利也

漬資四切○金匱曰水停心下甚者則悸然則
悸為水甚而厥則寒甚也寒無象而水有質水
去則寒消入胃者水能滲
壬也○方見大陽中篇

⑥傷寒六七日大下後寸脈沈而遲手足厥逆下

部脈不至咽喉不利唾膿血泄利不止者為難治
麻黃升麻湯主之

麻黃升麻湯方

麻黃 二兩半 升麻 一兩 當歸 一兩

知母 十八銖 黃芩 十八銖 萎蕤 十八銖

石膏 六銖碎 白朮 六銖 乾薑 六銖

芍藥 六銖 天門冬 六銖 桂枝 六銖

茯苓 六銖 甘草 六銖

右十四味以水一斗先煮麻黃二兩沸去上沫內

諸藥煮取三升去滓分溫相去如炊二斗米頃令盡汗出愈

唾吐臥切○下部脈不至者邪乘下後裏虛淡入而陽內陷也咽喉不利者厥陰之脈貫膈上注肺循喉嚨之後也唾膿血者肺金燥而痿也難治者表裏雜亂而不清陰陽睽而不相順接也夫邪深入而陽內陷寸脈沈而遲也故用麻黃升麻升舉以發之手足厥逆而下部脈不至也故用當歸薑桂溫潤以達之然芍藥斂津液而甘草以和之咽喉可利也萎蕤門冬以潤肺而黃芩知母以除熱膿血可止也朮能燥土茯苓苓參濕泄利可愈也石膏有微熱之功所以為幹旋諸佐使而妙其用焉

傷寒四五日腹中痛若轉氣下趣少腹者

自利也

腹中痛厥陰之脈抵小腹挾胃也轉氣下趣者裏虛不能守而寒邪下迫也

下利清穀裏寒外熱汗出而厥者通脈四逆湯

主之

下利故曰裏寒陰不守也外熱故汗出陽不固也通脈四逆救表裏通血氣而復陰陽者也

下利清穀不可攻表汗出必脹滿

此申上條而致戒此條汗出與上條汗出不同上條以自出言此以攻之則出言上言已然者此言未然者脹滿可必者汗出則凶陽而陰獨治也

下利腹脹滿身體疼痛者先溫其裏乃攻其表

溫裏四逆湯攻表桂枝湯

此承上而申致用治之次序腹脹滿裏虛也故溫之身體疼痛表實也故攻之惟虛也故必先之惟其實故可後焉○四逆湯方見太陽下篇上皆同桂枝湯方見太陽上篇

⑤下利譫語者有燥屎也宜小承氣湯

既下利而日有燥屎何也胃熱則屎燥若服湯不能和胃則徒利湯液其燥屎固自若所以譫語也宜小承氣者厥陰易於下也○方見陽明篇

⑥下利後更煩按之心下滿者為虛煩也宜梔子

豉湯
更煩言本有煩不為利除而轉甚也虛煩并方見太陽中篇

⑦傷寒下利日十餘行脈反實者死

實言邪勝也

⑧下利有微熱而渴脈弱者令自愈

微熱陽漸回也渴內燥未復也弱邪退也令自愈言不須治也

⑨下利脈數而渴者令自愈設不差必清膿血以

有熱故也

清與圓通○脈數與上文微熱互相發明清猶言便膿血也

⑩下利脈數有微熱汗出令自愈設復緊為未解

此與上一二條互相發明汗出亦陽回氣微也緊寒未除也

④下利脈沈而遲其人面少赤身有微熱下利清穀者必鬱冒汗出而解病人必微厥所以然者其面戴陽下虛故也

諸陽聚於面少赤亦陽回也故曰戴陽鬱冒作汗也微厥邪正爭也下虛指利而言也

⑤下利手足厥冷無脈者灸之不溫若脈不還反微喘者死

喘言息短而聲不續陽氣衰絕也

⑥下利後脈絕手足厥冷晬時脈還手足溫者生脈不還者死

晬音碎○晬時周時也此與上條互相發明

⑦下利寸脈反浮數尺中自澀者必清膿血

清與澀同○寸反浮數者熱轉上逆也尺中自澀者熱壅而血瘀也

⑧下利脈沈弦者下重也脈大者為未止脈微弱數者為欲自止雖發熱不死

下重謂滯下也大則病進微弱者邪氣衰也

⑨熱利下重者白頭翁湯主之

白頭翁湯方

白頭翁 二兩

黃連 二兩 去須

黃蘗 二兩 去皮

秦皮 二兩

右四味以水七升煮取二升去滓溫服一升不愈更服一升

此申上上條而出其治白頭翁逐血以療痺秦皮洗肝而散熱黃連調胃而厚腸黃蘗者除熱而止泄也

④下利欲飲水者以有熱故也白頭翁湯主之

有熱謂心津液而內燥所以欲飲水也○方同上

⑤乾嘔吐涎沫者吳茱萸湯主之

厥陰之脈挾胃屬肝上貫膈布脇肋循喉嚨之後上入頤頰連目系上出與督脈會於巔其支

者復從肝別貫膈上注肺故靈樞曰是肝所生病者胸滿嘔逆然則厥陰之邪循經而上逆故其證見如此方見陽明篇

⑥嘔而發熱者小柴胡湯主之

小柴胡或為有嘔故通其治

⑦嘔而脈弱小便復利身有微熱見厥者難治四逆湯主之

脈弱雖似邪衰而小便復利則是裏屬虛寒也故曰見厥者難治以身有微熱也故雖厥可以四逆湯得救其陽之復

⑧嘔家有癰膿者不可治嘔膿盡自愈

肝脈其支者上注肺肝主血善嘔血熱瘀與肺痿者皆為癰而嘔膿不可治者謂膿當嘔與邪逆而嘔者不同也

⑤傷寒本自寒下醫復吐下之寒格更逆吐下若

食入口即吐乾薑黃連黃芩人參湯主之

乾薑黃連黃芩人參湯方

乾薑

三兩 去皮

黃連

三兩 去須

黃芩

三兩

人參

三兩

右四味以水六升煮取二升去滓分溫再服

寒格謂藥寒致成格拒也乾薑人參正治以過其吐黃連黃芩反佐以通其格

⑤傷寒太吐太下之極虛復極汗出者以其人外氣怫鬱復與之水以發其汗因得噦所以然者胃中寒冷故也

上條以藥吐下言此以水發汗言亦互明之意

⑥傷寒噦而腹滿視其前後知何部不利利之則愈

噦承上條而言腹滿即寒生臍脹也前後謂二便也三條疑太陽中篇錯簡

傷寒論條辨卷之五 終

[Faint bleed-through text from the reverse side of the page]

傷寒論條辨卷之六

欵人方有執中行甫條辨

辨溫病風溫雜病脈證并治第九

凡二十條方三

此皆舊本錯雜亂出今分類為篇

一 太陽病發熱而渴不惡寒者為溫病

發熱溫亦陽故熱亦即發也渴熱傷血也不惡寒無陰寒之讎也溫春令之氣也氣之於時或則未應至而至或則應至未至而不齊故冬夏雖有溫要必以春為正是故必也證候顯見有如此者始可以言是觸犯於溫而病也此揭溫病之名實而不出其治者論溫以辨明傷寒故不之及也說者以為有論無治而不自滿吁烏足與論經之太旨哉

若發汗已身灼熱者名曰風溫風溫為病脈陰陽俱浮自汗出身重多眠睡鼻息必鼾語言難出若被下者小便不利直視失溲若被火者微發黃色劇則如驚癇時瘈瘲若火熏之一逆尚引日再逆促命期

軒音旱溲音小癇音間瘈音熾瘲音蹤○灼熱謂熱轉加甚也風溫謂觸犯於溫而有風也陰陽俱浮太陽本浮而風溫皆陽故上下皆見浮也自汗出亦衛受傷也身重多眠睡鼻息必鼾語言難出者風擁則氣昏熱甚則氣鬱也小便不利者太陽主膀胱而風溫皆陽下則反攻陰徒亡其津液而膀胱之氣傷也直視者太陽之筋支者為目上綱故不轉睛而上竄也失溲言

小便甚失其常度也火灸熨之類也微言攻之微則變亦微發黃者火熱則土燥故其色外奪也劇言攻之劇則變亦劇如驚癇時瘈瘲者火甚熱極而生風也熏亦火劫也一逆言乍誤也尚引日言猶可以俄延再逆言復誤也促命期言天在人之一天年其致警言之意深矣

②形作傷寒其脈不弦緊而弱弱者必渴被火者必譫語弱者發熱脈浮解之當汗出愈

形作傷寒猶曰似傷寒指上條而申言之也不弦緊謂非傷寒也弱即風性柔緩之謂譫語者火甚則土燥也弱者發熱蓋引素問諸弱發熱以明上文之必渴也解之言脈既屬浮則當以法解之訣人用治之大意也

③脈浮熱甚反灸之此為實實以虛治因火而動

必咽燥唾血

此又承上條而申致戒警之意實謂脈浮熱甚為邪氣勝則實咽燥者腎為膀胱之合其脈之直者入肺中循喉嚨挾舌本也唾血者火性炎上血因之而妄逆也已上皆言溫

④病如桂枝證頭不痛項不强寸脈微浮胸中痞鞭氣上衝咽喉不得息者此為胸有寒也當吐之

宜瓜蒂散

瓜蒂散

瓜蒂 一分
熬黃

赤小豆 一分

右二味各別搗篩為散已合治之取一錢匕以香

鼓一合熱湯七合煮作稀糜去滓取汁和散溫頓服之不吐者少少加得快吐乃止諸亡血虛家不可與瓜蒂散

如桂枝證言太約似中風也頭不痛項不强言太陽經中無外入之風邪以明非中風也寸候身半已上微浮邪自內出也胸中痞鞭痰涎塞膈也氣上衝咽喉者痰湧上逆俗謂喉中聲如曳鋸是也寒以痰言痰內證也內者為虛故曰寒也是病也想當先仲景時命名者蓋不過按素問陽之氣以天地之疾風名之而亦呼為中風豈意後世足以奪本經之中風相亂而相誤哉經革其名而以病如桂枝證揭之誠萬世辨明中風似是非而非之至教也易吐實風寒之梘子鼓而以瓜蒂散者瓜蒂苦寒能吐頑痰而快膈小豆酸平善瀉風涎而逐水香豉能起信而

潮汐故佐二物而主治稀糜則又承載三物者之舟航此所以為吐虛風虛寒之對藥也然而又曰虛家不可與何也是又一說也此風此寒雖人身之虛象而痰涎顧非胸中之實物邪然則虛家者不痰可言乎噫本氣自病之東垣不作難乎可與同論此也休哉

五 病人有寒復發汗胃中冷必吐蚘

有寒承上文而言復反也言誤也誤汗則徒亡津液胃中空虛故曰冷也胃虛則蚘失其所養而詩亂故吐出可必此乃申致上文不可發汗以嚴戒慎之意當作一條舊本出在兩篇數拘有定今一之則目不合舊數故但移就相次存二以仍舊計凡如此者讀者自會可也

六 病人手足厥冷脈乍緊者邪結在胸中心中滿而煩飢不能食者病在胸中當須吐之宜瓜蒂散

手足厥冷似涉於厥陰傷寒也乍忽也言非厥陰傷寒乃虛寒之邪自內而作故曰邪結在胸中邪亦以痰言所以胸中滿而煩也飢不能食者痰涎湧上逆而塞膈氣窒而食不通也病在胸中乃承上起下之句吐宜瓜蒂散而與前條同者虛風虛寒雖殊而痰之所以為邪則一也然前條虛風生痰即俚俗所謂中風而此條虛寒痰證即諸家方書所謂四證類傷寒而痰居其一者是也經皆揭之而不名者想當時皆不過以中風傷寒為通稱經以虛風之風非風寒之風也故不曰風痰而曰胸有寒以虛寒之寒與風寒之寒不同也故不曰寒痰而曰邪在胸中但詳其痰之狀而革其名正其義以出其治其所以為曉寤天下後世也亦已至矣何天下後世卒深沈昏惑而反多口於經甚者則直詆桂枝湯為偶中於漢之末世誣之為不可用羣然沒其所謂中風之病名而惜其病於不知顛倒其傷寒之經旨於分崩離析使故習之弊至

今尚然，噫陋俗之難化，愚夫之難曉，一至是邪，宜乎後之人，羊不古，若而日，陷於促也，冤哉。

七 病人身大熱，反欲得近衣者，熱在皮膚，寒在骨髓也。身大寒，反不欲衣者，寒在皮膚，熱在骨髓也。

此揭五合表裏之為病而分曉之，所以勉人當求病於的之意。皮膚五合之表也，骨髓五合之裏也。熱在皮膚，寒在骨髓者，表實裏虛也。寒在皮膚，熱在骨髓者，表虛裏實也。然此以藏府不預而言耳。合藏府而統言之，則皆表，而無裏之可稱也。學者不可不究。

表熱裏寒者，脈雖沈而遲，手足微厥，下利清穀，此裏寒也。所以陰證亦有發熱者，此表解也。表寒裏熱者，脈必滑身厥，舌乾也。所以少陰惡寒而踰此。

表寒也，時時自煩，不欲厚衣，此裏熱也。

此承上文而詳釋之之意，所以陰證亦有發熱者之上疑有脫落。

八 病發熱，頭痛，脈反沈，若不瘥，身體疼痛，當救其裏，宜四逆湯。

此馮脈不馮證之本旨。方見太陽下。

九 病在陽，應以汗解之，反以冷水瀼之，若灌之，其熱被却，不得去，彌更益煩，肉上粟起，意欲飲水，反不渴者，服文蛤散。若不瘥者，與五苓散。寒實結胸，無熱證者，與三物小陷胸湯。白散亦可服。

文蛤散方

文蛤 五兩

右一味為散以沸湯和一錢匕服湯用五合

白散方

桔梗 三分

貝母 三分

巴豆

一分去皮熬黑研如泥

右件二味為末內巴豆更於臼中杵之以白飲和服強人一錢羸者減之病在膈上必吐在膈下必利不利進熱粥一杯利過不正進冷粥一杯身熱皮粟不解欲引衣自覆者若水以灑之洗之益令

熱被不得出當汗而不汗則煩假令汗出已腹中痛與芍藥二兩如上法

濕心良切 ○在陽謂表未罷熱未除也濕噴之也灌溉之也被蒙也言邪蒙冒於濕濯之水鬱閉而不散熱惋煩惱益甚也粟起言膚上粒起如粟水寒鬱留於表而然也意欲得水而不渴者邪熱雖甚反為水寒所制也文蛤即海蛤之有文理者鹹寒走腎而利水以之獨專任者蓋取督腎而行水也不差者水雖內漬猶有外被者故用五苓散內以消之外以散之而兩解也寒以飲言飲本寒也又得水寒兩寒搏結而實於胸中故謂無熱證也小陷胸湯固小結胸之主治然白散者桔梗貝母能消飲而開膈巴豆辛溫能散寒而逐水所以寒結或重而小結胸不能解者則此又可服也

○小陷胸湯方見太陽中

⑩病人藏無他病時發熱自汗出而不愈者此衛氣不和也先其時發汗則愈宜桂枝湯主之

藏無他病裏氣和也時以暫言謂或時則然或時不然也衛氣不和表不固也先其時言於未發熱之先也○方見太陽上

⑪病常自汗出者此為榮氣和榮氣和者外不諧以衛氣不其榮氣和諧故爾以榮行脈中衛行脈外復發其汗榮衛和則愈宜桂枝湯

此與上條同上以暫言此言常者謂無時不然也上言藏藏為陰而主裏此言榮榮亦陰而主裏衛亦外皆變文之互詞蓋上條以暫言故其詞略此以常言故其詞詳兩相互發義不殊也

然皆發汗而此不言先其時者以常故無先後之可言也

⑫病人脈數數為熱當消穀引食而反吐者此以發汗令陽氣微膈氣虛脈乃數也數為客熱不能消穀以胃中虛冷故吐也

數為客熱已下乃反覆詳明上文之義客熱以邪氣言虛冷以正氣言

⑬微數之脈慎不可灸因火為邪則為煩逆追虛逐實血散脈中火氣雖微內攻有力焦骨傷筋血難復也

微數虛熱也故戒慎不可灸逐亦追也實謂熱也血散脈中言追逐之餘必至追血血為榮而

行脈中故謂散於脈中也火氣雖微已下甚言
追逐之害大蓋骨賴血以濡既失其所濡必枯
而焦筋賴血以榮既失其為榮必衰而傷殘伐
其本源故也以此示人而近來人之以火灸陰
虛發熱者猶比比焉竊見其無有不焦骨
傷筋而斃者吁是豈正命哉可哀也已

④病人煩熱汗出則解又如瘧狀日晡所發熱者
屬陽明也脈實者宜下之脈浮虛者宜發汗下之
宜大承氣湯發汗宜桂枝湯

煩熱太陽也故脈浮虛而宜汗散如瘧狀謂熱
之往來猶瘧之作輟有時而不爽也晡日加申
陽明之正時也故
脈實而宜下解

⑤未持脈時病人手又自冒心師因教試令欬而

不欬者此必兩耳聾無聞也所以然者以重發汗
虛故如此

此訣人推測
病情之大法

⑥病人不大便五六日繞臍痛煩燥發作有時者
此有燥屎故使不大便也

病人謂凡有病之人證犯有如此者則皆當如
此而治之謂非獨以風寒之病為言而已也
此訣人辨凡有
胃實之大旨

⑦病人小便不利大便乍難乍易時有微熱喘冒
不能臥者有燥屎也宜大承氣湯

小便不利所以大便有乍難乍易也時有微熱陽明潮作也喘冒不能臥胃不和也故曰有燥屎○方見陽

明篇下同

⑥大下後六七日不大便煩不解腹滿痛者此有燥屎也宜大承氣湯

煩不解則熱未退可知腹滿痛則胃實可診故曰有燥屎已上三條皆訣人當下之太法

⑤本發汗而復下之此為逆也若先發汗治不為

逆本先下之而反汗之為逆若先下之治不為逆

復與覆同古字通用○復亦反也猶言誤也與下文反汗之反同意蓋兩比而互相發明以誤人汗下之太法

④八病若發汗若吐若下若止津液陰陽自和者必自愈

陰陽以脈言而二便在其中兩者相勝負可知故自愈可必此訣人持診之大要辨霍亂病脈證并治第十方九條

①問曰病有霍亂者何答曰嘔吐而利名曰霍亂

霍吐也亂雜亂也靈樞曰清氣在陰濁氣在陽清濁相干亂於腸胃則為霍亂是也

②問曰病發熱頭痛身疼惡寒吐利者此屬何病

答曰此名霍亂自吐下又利止更復發熱也

發熱頭痛身疼惡寒外感也吐利內傷也上以病名求病證此以病證實病名反覆詳明之意

③傷寒其脈微澀者本是霍亂今是傷寒却四五日至陰經上轉入陰必利本嘔下利者不可治也欲似大便而反失氣仍不利者屬陽明也便必鞭十三日愈所以然者經盡故也

轉失皆見陽明篇○本根原也言根因原起自霍亂也本嘔意同

下利後便當鞭鞭則能食者愈今反不能食到後經中頗能食過一經能食過之一日當愈不愈者不屬陽明也

此申上文末節而言其詳

④霍亂頭痛發熱身疼痛熱多欲飲水者五苓散主之寒多不用水者理中丸主之

理中丸方

人參 三兩

白朮 三兩

甘草 三兩

乾薑 二兩

右四味搗篩為末蜜和丸如雞黃大以沸湯數合和一丸研碎溫服之日三四夜二服腹中未熱益至三四丸然不及湯湯法以四物依兩數切用水八升煮取三升去滓溫服一升日三服

此申上文而出其治熱多欲飲水者陽邪勝也
寒多不用水者陰邪勝也五苓散者水行則熱
洩是亦兩解之謂也理治也料理之謂中裏也
裏陰之謂參朮之甘溫裏也甘草甘平和中也
乾薑辛熱散寒也○
五苓散方見太陽上

加減法

若臍上築者腎氣動也去朮加桂四兩

腎氣動欲

去朮腎惡燥也加桂以其能

伐腎邪而泄奔豚然非枝也吐多者去朮加生

薑二兩

吐氣逆也朮能壅氣故去之薑能散氣所以為嘔吐之聖藥也

下多者

還用朮悸者加茯苓二兩

下多濕勝也復用朮能燥濕濕燥則下

斷也悸以飲水過度言水停之故也加茯苓水行則悸愈也

渴欲得水者加

朮足前成四兩半

渴脾虛也加

腹中痛者加人

參足前成四兩半

腹中痛裏虛也

寒者加乾薑

足前成四兩半

寒以不用水之甚者言乾薑辛熱而能散寒非稱權則不可也

腹滿者去朮加附子一枚服湯後如食頃飲熱

粥一升許微自溫勿發揭衣被

氣滯則腹滿朮甘而壅故去之

附子辛散故加之飲熱粥亦助藥力也自溫亦取微欲似汗之意勿發揭衣被防重感也○案此用朮去朮朮上皆無白字何哉蓋由文次句而經之真原昭然猶存則他本之有白出於偽妄不待言而明矣然於偽妄之疎愚亦可以見也君子察微觀人於其所忽信哉吐利止而身痛不休者當消

息和解其外宜桂枝湯小和之

吐利止裏和也身痛表退而新

虛也消息猶言斟酌也桂枝湯固衛以和表者也小和言少少與服不令過度之意也

⑤吐利汗出發熱惡寒四肢拘急手足厥冷者四

逆湯主之

吐利四肢拘急手足厥冷裏陰虛也汗出發熱惡寒表陽衰也四逆湯表裏合救之劑也○方

見太陽

⑥既吐且利小便復利而大汗出下利清穀內寒

外熱脈微欲絕者四逆湯主之

此與上條大同小異而義同故治亦同

⑦吐已下斷汗出而厥四肢拘急不解脈微欲絕

者通脈四逆加豬膽汁湯主之

通脈四逆加豬膽汁湯方

於四逆湯方內加豬膽汁半合餘依四逆湯法

已止也下即利也斷絕也此總上文言吐利兩皆止絕而又以其餘證之不解者更治以出也

⑧惡寒脈微而復利利止亡血也四逆加人參湯

主之

四逆加入參湯方

於四逆湯方內加入參一兩餘依四逆湯法

以血津液竭也
人參能生津也

九吐利發汗脈平小煩者以新虛不勝穀氣故也

此與下篇末條詳略不
一而義則同亦互意也

辨陰陽易差後勞復脈證并治第十一凡七條
方四

一傷寒陰陽易之為病其人身體重少氣少腹滿
裏急或引陰中拘攣熱上衝胸頭重不欲舉眼中
生花膝脛拘急者燒裊散主之

燒裊散方

右取婦人中裊近隱處剪燒灰以水和服方寸

匕日三服小便即利陰頭微腫則愈婦人病取

男子裊當燒灰

少腹之少去聲○傷寒包中風而言也易猶交
易變易之易言大病新差血氣未復強合陰陽
則二氣交感互相換易而為病也身體重少氣
真元虧竭而困倦也少腹裏急或引陰中拘攣
者所易之氣內攻也熱上衝胸頭不欲舉眼中
生花者虛陽生熱而上蒸也膝脛拘急者脈亂
而筋傷也裊當近隱處陰陽二氣
之所聚也男女易用物各歸本也

二大病差後勞復者枳實梔子豉湯主之若有宿

食者加大黃如博棊子五六枚
枳實梔子豉湯方

枳實三枚

梔子十四枚

豉一升

右三味以清漿水七升空煮取四升內枳實梔子
煮取二升下豉更煮五六沸去滓溫分再服覆令
微似汗

大病槩言也下做此勞強乃房勞復重復作病
蓋大邪初退血氣新虛作強勞傷虛而生熱猶
之病復發非實發初病也枳實實中破結梔子
散熱除煩香豉能解虛勞之熱清漿則又梔子
之監制故協三物之苦寒同主勞傷之復熱而
與發初病之實熱不同倫也宿食陳宿之積食

也食能生熱故須去之
大黃者去陳以致新也
③傷寒差已後更發熱者小柴胡湯主之脈浮者
以汗解之脈沈者以下解之

此示病後不謹調理小復之大法脈
浮有所重感也脈沈飲食失節也

④大病差後從腰已下有冰氣者牡蠣澤瀉散主

牡蠣澤瀉散方

牡蠣熬

澤瀉

括蕒根

蜀漆洗去脚

葶藶熬

商陸根

海藻洗去鹹已
上各等分

右七味異搗下篩為散更入臼中治之白飲和服
方寸匕小便利止後服

水氣肌肉腫滿而虛浮蓋差後新虛土未強而水無制也從腰已下而不及上者水性就下勢之初起故雖泛濫未至於橫溢也牡蠣澤瀉海藻鹹以走腎腎強則水行葶藶商陸根苦以利濕去則腫沒蜀漆辛而能散故為諸品之佐也括蕪根苦能徹熱本乃蜀漆之使也

⑤大病差後喜唾久不了了者胃上有寒當以丸藥溫之宜理中丸

唾口液也寒以飲言不了了謂無已時也○方見前

⑥傷寒解後虛羸少氣氣逆欲吐者竹葉石膏湯主之

竹葉石膏湯方

竹葉二把 石膏一斤 半夏半升
人參二兩 甘草二兩 粳米半升
麥門冬一升
去心

右七味以水一斗煮取六升去滓內粳米煮米熟湯成去米溫服一升日三服

羸音雷○羸病而瘦也少氣謂短氣不足以息也氣逆欲吐欲作惡阻也蓋寒傷形故寒解則

肌肉消削而羸瘦熱傷氣故熱退則氣衰耗而不足病後虛羸脾胃未強飲食難化則痰易生痰湧氣逆故欲吐也竹葉清熱麥冬除煩人參益氣甘草生肉半夏豁痰而止吐粳米病後之補劑石膏有徹上徹下之功故能佐諸品而成補益也

⑦病人脈已解而日暮微煩以病新差人強與穀脾胃氣尚弱不能消穀故令微煩損穀則愈

脈已解邪悉去而無遺餘也日暮陽明之王時也強與穀謂壓其進食也損言當節減之也蓋飲食節則脾胃和脾胃和則百體安此調理病餘之要法也

右經十一篇法二百九十七方一百一十三蓋仲景氏之遺書而叔和所詮次之者也傳謂世

稱仲景醫聖良以仲景者集醫哲之大成而是書者正醫教之大訓也初學之士舍是則無以爲入道之門而敦進德之基矣故夫篤志斯道者亦曰必由是而學焉則亦庶乎其不差而於人已不致悞馴是以往誠能至於仁孰義精道久化成不但人無枉命而已亦無慚德則帝伯之堂可升有農之神可繼豈不偉哉

二百九十七者今移六條在第十五篇

傷寒論條辨卷之六終

傷寒條辨卷六三

